

venter, vina, epulae; idolum luxuriosi, est Venus. Cum ergo haec objicit, respondendum cum Christo : Deum adorare, non Venerem, non Plumum, etc. Nam, ut ait S. Cyprianus, tract. *De Spect.* : « Deijcit se de culmine generositatis suae, qui admirari aliquid post Deum potest. » Quid enim est totus mundus, omnia regna, omnes creaturae comparatae cum Deo, nisi punctum comparatum cum toto universo? Quid est omne tempus respectu aeternitatis, nisi instans? Quid sunt omnes voluptates, honores, opes comparatae cum delectis, honoribus et opibus celestibus, nisi vanitates et umbrae, imo scordes et stercores? Contemne ergo illa praeter Deo illique firmiter adhaere, et superasti omnem tentationem. Ita Psaltes : « Mihi, ait, adhaerere Deo bonum est. » Et alius : « Mens mea in Deo fixa et solidata est. » S. Cyprianus, *De Orat. Dominica* : « Cum Dei sint omnia, ait, habenti Deum nihil deerit, si ipse Deo non desit. »

Simili modo, si minas, metus infamiae, paupertatis, morbi, verberum et mortis intendit, iunge te Deo, Deum adora per firmam spem et invocationem. S. Cyprianus, in *Exhort. Martyr.*, docet aliquos martyrio excidisse, quia considerabant atrocitatem tormentorum, non virtutem et opem Dei; contra, illos stare et vincere, quia avertunt mentem a tormentis et figunt in Dei ope, dicuntque : « Omnia possum in eo qui me confortat; » major est Deus tormentis. Ita S. Agnes totam spem et amorem defigit in Christum, vicit omnia tormenta tyranni; Deus enim infirma mundi eligit, ut confundat fortia, vulgare suam virtutem in nostra infirmitate toti orbi ostendere; Deus enim in se sperantes, seque invocantes et adorantes deserere nequit.

Infirmitas spiritus est optimum contra tentationes remedium.

Ver. 11. Luc. iv. 13. Marc. i. 13.

Quocirca S. Cyprianus, tract. *De Moral.* : « Adversa, ait, non avocant a fidei virtute, sed corroborant in dolore, » etc. Hoc expertus S. Antonius, teste S. Athanasio, dicebat optimum remedium vincendi omnes demonis tentationes esse latitiam spiritalem et amorem Christi, cuius uno crucis signo victus aufugit.

11. TUNC RELIQUIT EUM DIABOLUS, ET ECCE ANGELI ACCESSERUNT ET MINISTRABANT EI. — Reo anonymus, in *Catena* : « Legitime pugnanti, inquit, agonium reperit terminus, quod adversarius vel sua sponte cedat vincenti, vel trino casu depouatur, secundo pugnante articulo decretum. » Qui enim ter in trino confictu hostem vicit, is plane eum superavit et subjugavit ideoque de eo triumphat. Nota Christum, post trinam tentationem et victoriam, ex monte in quem eum transulerat diabolus, rediisse in suum Quarantanae, ubi quadraginta diebus jejunarat, desertum, idque non pedibus, sed subitaneo quasi repto pervimus sua divinitatis et dotem agilitatis, aut certe per Angelorum ministerium. Nam ei quasi victori specie humani corporis assumpta (ut fecerat diabolus tentator), accedentes Angeli, congratulati sunt

et ministrarunt, cibum deferentes aliaque obsequii debiti officia exhibentes. Porro Concilium Constantinopolitanum, aeternum, V. in *Constitutione* Vigilii Papae pertinente ad Collationem V. adversus quosdam Haereticos, qui ita exponebant illud Matthaei IV : « Et ministrabant ei, » ut Angeli Christo inservierint sicut aliis Sanctis, anathema dicit eis qui volunt Angelos ad Christum descendisse eique ministrasse tanquam amico et domestico Dei, non tanquam creatori et Domino suo.

Disce hinc eum qui fortiter vincit diabolum ejusque suggestiones, mereri et praemiari consortio, consolatione et ministerio Angelorum. Nam victor Satanae est quasi alter Angelus, ille quo ut per Angelos animatur ad futura cum diabolo certamina; nam, ut de Christo hic ait Lucas, cap. IV, 13 : « Et consummata omni tentatione, diabolus recessit ab illo usque ad tempus; » unde S. Chrysostomus : « Recessit, inquit, diabolus virtute Christi excussus; » postea, ait *Interlinearis*, pugnaturus per Judaeos. Scribae enim et Pharisei crebro Christum tentarunt, et tandem occiderunt.

Hinc Origenes, hom. 22. in *Lucam*, et Abulensis putant daemone de uno vitio tentantem semel ab aliquo perfecte victum, amplius de illo eundem non tentare. Idem probabile esse, ait noster Salmeron, quia qui in se perfecte superat per actus intensos et heroicis, habitus pravos ad vitium inclinantes, eidem contrarii virtutum habitus ingenerantur et profunde radicantur; talem autem aggredi non audet demon, ne iterum vincatur. Probabilis est daemone a Christo et Christianis semel perfecte victum, tantum ad tempus discedere, ut hic ait Lucas; quare data occasione iterum ad tentandum simili vel eadem tentatione regredi. Sic enim ipse S. Antonius saepe de eadem re et S. Paulum eodem stimulo carnis saepius dique tentavit, ut patet, II *Cor.*, XII, 8. Sic enim duces redeunt ad oppugnandam arcem, cum post longam quietem hostes securos, negligentes et imparatos inveniunt. « Diabolus, ait S. Ambrosius, frequentat spicula, ut aut prelio vincat, aut taedio. » Audi eundem S. Ambrosium, lib. IV, cap. IV, Luc., 13 : « Probe omnium criminum fontes haec tria genera demonstrantur esse vitiorum. Neque enim consummatam omnem tentationem Scriptura dixisset, nisi in his tribus esset omnium materia delictorum quorum semina in ipsa origine sunt cavenda. Finis ergo tentationum finis est cupiditatum, quia cause cupiditatum cause cupiditatum sunt. Cause autem cupiditatum sunt carnis delectatio, species gloriae, viditas potentiae. » Et post pauca : « Vides ergo ipsum diabolum necesse est in studio pertinacem, cedere solere veritate. Et si invidere non desinat, tamen instanter formidat, quia frequentius refugit triumphans. Audito itaque Dei nomine, recessit, inquit, usque ad tempus; postea enim non tentaturus, sed aperta pugnaturus advenit. » Denique post mu'

concludit : « Ergo qui vult coronam dare, tentationes suggerit. Et si quando tentaris, cognosce quia paratur corona. Tolle martyrum certamina, tollisti coronam; tolle cruciatus, tollisti beatitudines. Nonne tentatio Joseph, virtus est celebratio? Nonne injuria carceris, corona est castitatis? Quemadmodum regni in Aegypto consortium potuisset digne, nisi venditus fuisset a fratribus? »

12. CUM AUTEM ADUISSET JESUS QUOD JOANNES TRADITUS ESSET, SECESSIT IN GALILEAM. — Omittit Luc. IV. 14. Marc. i. 14. Jo. an. IV, 3. S. Iohannes narrat postea anni primi praedicationis Christi.

Porro Christus, audita Joannis incarceratione, ex Judea secessit in Galileam, quia fugit Herodem, ne, sicut Joannean, ita et se incarcerationet. In Galilea ergo solemnitur praedicare orsus est, ut impleret oraculum Isaiae, de quo mox. Dices : Herodes regnabat in Galilea, non in Judea, cur ergo Christus, fugiens Herodem, fugit ex Judea in Galileam; ibi enim incidit in manus Herodis? Resp. Id factum idcirco quod Joannes, in Judea juxta Jericho praedicans et baptizans, convocansque ad se turbas, a Judeis, puta a Scribis et Phariseis accusatus fuerit apud Herodem; illi enim a Joanne acriter reprehensi vocatique *progenies viperarum*, Matth. III, 7, exacerbat, suggesterunt Herodi, quem sciebant Joanni offensum, ut Joannem caperet mette novationis rerum, ne scilicet Joannes tumultum et rebellionem populi concitaret; Josephus enim, lib. XVIII *Antiquit.*, cap. VII, docet Herodem occidisse Joannem timore turbationis eius turbis ad Joannem confluentibus. Quis hunc timorem Herodi, regi Galilaeae, de Joanne in Judea praedicante iniecit, nisi Judaei, puta Scribae et Pharisei? Ii enim, uti Christo, sed et Joanni Christum ostendendi fuerat infensi; uterque enim illorum vita publice libereque arguebat. Licet enim romano Praesidi jure proprio tradendus fuisset Joannes, utpote in Judea baptizans, tamen, quia ipse et Galilaeus baptizabat et forte in viciniam Perream, Herodi subjectam, subinde per Jordanem transgrediebatur, hinc Herodes, convivente Praeside romano, agentibus id Phariseis, Joannem quasi suae jurisdictioni subditum incarcerationi. Christus id audiens, fugit e Judea a

Judeis in Galileam, metuens ne ab eisdem traderetur Herodi; apud illum enim, utpote secunda Judaeorum, Pharisei plurimum poterant summisque erant auctoritatis. Ipsum autem Herodem solum toti Galilaeae dominantem non timuit Jesus, quia eum non offenderat, ut offenderat Joannes reprehendens eum de adulterio. Fuit hic Herodes Antipas, filius Herodis Ascalonitae, qui fuit infanticida.

Fuit hic secessus Christi secundus e Judea in Galileam (primus enim fuit Joannis, cap. I, 43), idemque est cum eo qui a Marco, cap. I, 44, et Luca, cap. IV, 14, et Joan., cap. IV, 3 et 43, recensetur, ut recte Jansenius ex eisdem circumstantiis colligit. Porro Lucas ait : « Et regressus est Jesus in virtute Spiritus in Galileam, » non quod aliqua virtus spiritus illi hic indita et addita fuerit a Spiritu sancto, ut videtur velle Origenes; ipse enim a primo sui ortu plenus fuit Spiritu sancto, sed quod virtus Spiritus sancti, quo plenus erat, eum impelleret in Galileam ad ordiendam ibi magna efficacia praedicationem, et ad miracula alioque opera heroica patrandum, quibus praedicationem suam confirmaturus erat, ut patet hic, 23.

13. ET RELICTA CIVITATE NAZARETH, VENIT, ET HABITAVIT IN CAPHARNAUM (civitate) MARITIMA IN FINIBUS ZABULON ET NEPHTHALI. — *Relicta*, id est omissa, neglecta, preterita, q. d. Noluit Jesus ingredi Nazareth, licet ipsa esset patria sua, ibique ordiri praedicationem. Cansam dat S. Joannes, cap. IV, 44 : « Quod propheta in sua patria honorem non habet. » Secessit ergo in Capharnaum, ibique cathedram praedicationis crexit et fixit.

Nota : Duplex erat Galilaea, scilicet in tribu Issachar et Zabulon, in qua sita erat Nazareth; et superior, in tribu Aser et Nephthali, in qua erat Capharnaum, quae et Gentium dicebatur, eo quod vicina esset Phenichibus et quia a multis Gentilibus habitabatur. Magna enim ejus pars a Salemonum data fuit Hiram, regi Tyri, ob navatam ab eo operam in fabrica Templi. III *Reg.* IX, 11. Vide Adrichomium in *Descriptione Terrae sanctae*, in Galilaea.

CAPHARNAUM MARITIMA. — Adjacebat enim Jordani (ubi scilicet Jordanis in mare Tiberiadis influit) ac mari Tiberiadis, quod et Galilaeae dicebatur: quare per mare eveniens et advehens merces, evasit emporium totius Judaeae celeberrimum et opulentissimum, ac metropolis Galilaeae, adeo ut opibus, fastu, luxu, pulchritudine ceteras Galilaeae urbes longe superaret, indeque nomen accepit. Dicebat enim *Capharnaum*, quasi *קפר נחמיה* *copher nahim*, id est *ager jucunditatis et delectationis*, vel *villa pulchritudinis*, ait S. Hieronymus in *Nomen. Hebraeae*, Pagninus et alii. Nonnulli vero *Capharnaum* interpretantur *ager panitentiae*, aut *propitiatio panitentiae*, a *קפר* *copher*, id est propitiari, et *נחמיה*, id est penitere: ibi enim penitentiam praedicebat Christus; urbes enim maritimae ob colluvium undique affluentis turbae et ob mer-

Christus e Judea secessit in Galileam fugiens Herodem: Cur, cum ibi regnavit Herodes?

mare; Jesus enim « auctoritatem sibi subque legationi conciliavit claritate signorum, » ait S. Chrysostomus, tum ut per sanitatem corporis sanaret animam; sanati enim corpore ob hoc beneficium et miraculum credebant et debebant se Christo. *Evangelium regni*, est letum nuntium de regno cœlorum jamjam per Christi mortem aperiendo, et de via et modo illud inveniendi et reipsa consequendi; utrumque enim predicabat Christus assidue et continuo, non equo nec curtu vectus, sed pedibus incedens, circumeundo omnes urbes et pagos Galilææ. Mirare hic in Christo indefessum predicandi stadium, ac labores Evangelicos, imo Angelicos, illosque imitare.

24. ET ABIT OPINIO (Græce *ἀπίστος*, id est auditio, *Vers. 24.* *Luce. 17.* *Timor, fama*) EJUS IN TOTAM SYRIAM, ET OBTE-
LERUNT EI OMNES MALE HABENTES VARIIS LANGUI-
RIBUS ET TORMENTIS (Græce *ἐκαστος*, id est *tor-*
mentibus, cruciatibus, qui similes sunt illis quos
sentiant illi qui in equaleo torquentur et cru-
ciantur: *ἐκαστος*; enim proprie est *questio*, qua
reus in equaleo torquetur, ut delictum et complices
delicti confiteatur) **COMPREHENSOS, ET QUI**
DEMONIA HABEBANT (demoniacos, obsessos et
possessos a demonibus) **ET LUNATICOS ET PARA-**
LYTICOS, ET CURAVIT EOS. — Lunatici sunt aegri
qui lunæ et lunationibus subjacent, ut juxta
eas aegritus habeant, aut delirant et insaniant,
Unde Arabicus vertit: *Et qui agitabantur in prin-*
cipiis lunationum. Lunatici, ait Apuleius, sunt
qui cursum lunæ patiuntur; puta in quos luna
agit; hæc enim dominatur humidis iisque qui
humido et debili sunt cerebro: unde in novilunio
et plenilunio humores, puta pituitam et melancholiam
auget et miscet, itaque cerebrum
turbat agitque in delirium, maniam, phrenesin;
quales potissimum sunt epileptici, qui comitiali
morbo laborant (quo agitari illos perhibent,
qui nati sunt in interlunio, id est inter deficien-
tium lunam et novilunium, licet id neget Vale-
sius, *Sæva Philosoph.* cap. LXXI); aut insania alove
morbi genere quoniam, certis lunæ temporibus
gravantur et agitantur; cui malo sæpe se demon
immiscet, graviusque tales affligit magis concitatio
humores, præsertim bilem utramque, tam atram quam flavam, id est melancholiam
et choleram, imo ipse subinde malum hoc pro-
curat et efficit, ut patebit, cap. XXII, 17 et 18. « De-
mon enim, ait Glossa, lunæ tempora servat, ut
creaturam infamem in creatoris blasphemiam;
utque per humores a luna commotos magis
phantasiam turbet, hominesque tentet et vexet
tribus et cholericis phantasmatibus, ac sub-
inde adigat ad desperationem et necem sibi
inferendam. »

Lunatici
qui?

ET CURAVIT EOS. — « A nullo horum fidem re-
quisivit, » ait S. Chrysostomus, nondum enim vir-
tutem suam ostenderat, et venientes a longe par-
vam adhuc in eum fidem habebant; postea vero
ab ægris fidem requisivit, ut patebit in sequen-
tibus. « Nubes quasdam signorum, ait Chrysosto-
mus, Mattheus paucis verbis transcurrit, e quibus
nonnulla postea distinctius et fusius enarrabit. »

Mystice: lunatici sunt varii, mutabiles et in-
constantes, qui nunc Deo et pietati, nunc diabolo
et cupiditatibus serviunt, juxta illud: « Homo
sanctus in sapientia manet sicut sol, nam stultus
sicut luna mutatur. » *Ecl. XXVII, 12.* Vide ibi dicta.

25. ET SECUTE SUNT EUM TURBE MULTE DE GA-
LILÆA, ET DECAPOLI, ET DE IEROSOLYMIS, ET DE
JUDÆA, ET DE TRANS JORDANEM. — « Secuti sunt
multi Christum, ait Glossa, alii ob celestia, alii
ob curacionem, alii fama et curiositate ducti, alii
per invidiam, volentes eum in aliquo carpere et
accusare. » Causam dat S. Bernardus, serm. 1 *De*
omnibus Sanctis, dicens: « Predicantem Dominum
de civitatibus et castellis populi sequebantur,
quorum salvabat animas, sanabat corpora, et
adhærebant ei, affatu pariter et aspectu illius de-
lectati, cujus nimirum vox suavis et facies de-
cora, sicut scriptum est: Speciosus forma præ filiis
hominum, diffusa est gratia in labiis tuis: talis
est quem nos sequimur, cui adheremus, totus
desiderabilis, in quem non solum populi,
sed et ipsi quoque Angeli sancti desiderant pro-
spicere. »

DECAPOLI. — Decapolis est regio decem non tri-
buum, ut habet Glossa interlinearis; sed urbium;
δέκα enim sunt decem, *πόλις* est urbs. Decem harum
urbium nomina, teste Brochardo et Adrichomio,
hæc sunt: Tiberias, Sephet, Asor, Cedes, Cæsarea
Philippi, Capharnaum, Iotapata (cui præfuit
Josephus contra Romanos et Titum pugnans),
Bethsaida, Corozaim, Bethsan, sive Scythopolis.

ET DE TRANS JORDANEM. — Id est de regionibus
ultra Jordanem situs respectu Galilææ, quæ
erat cis Jordanem, in qua predicabat Christus,
ut sita sunt Galaad, Trachonitis, Ahylna, Seir,
Coesyria, et Batanea, olim Basan dicta, quæ
fuit ditio Oz regis; Syri enim et Chaldei sæpe
Hebræum *Schin* in *Tau* commutant, ut pro *Basan*
dicant *Batan*; pro *scheloscha, telata*, id est tria;
pro *schabar, telar*, id est fregit; pro *scub, tub*,
id est reversus est; pro *scor, tor*, id est auris. Ulte-
rius vero sita erat Arabia triplex, scilicet: Felix,
Petraea et Deserta. Ex his omnibus regionibus
multi fama doctrinæ et miraculorum Christi ex-
citi, ad eum confluerunt cumque quaquaversum
comitati sunt.

Lunatici
aut in-
constan-
tes.

CAPUT QUINTUM.

SYNOPSIS CAPITIS.

*Incipit hic sermo Christi in monte, quem hoc capite et duobus sequentibus enarrat Mattheus, quo primo
docet octo beatitudines Evangelicas; secundo, vers. 22 corrigit justitiam Scribarum, ac decalogum
perfecte docet et explicat, scilicet, eo non tantum externum actum homicidii, adulterii, furti, sed
et internam concupiscentiam prohiberi.*

1. Videns autem Jesus turbas, ascendit in montem; et cum sedisset, accesserunt ad eum
discipuli ejus; 2. et aperiens os suum docebat eos, dicens: 3. Beati pauperes spiritu, quoniam
ipsorum est regnum cœlorum. 4. Beati mites, quoniam ipsi possidebunt terram. 5. Beati qui lugent,
quoniam ipsi consolabuntur. 6. Beati qui esuriunt et sitiunt justitiam, quoniam ipsi saturabuntur.
7. Beati misericordes, quoniam ipsi misericordiam consequentur. 8. Beati mundo corde, quoniam
ipsi Deum videbunt. 9. Beati pacifici, quoniam filii Dei vocabuntur. 10. Beati qui persecutionem
patiuntur propter justitiam, quoniam ipsorum est regnum cœlorum. 11. Beati estis cum maledixerint
vobis, et persecuti vos fuerint et dixerint omne malum adversum vos mentientes, propter me. 12.
Gaudete et exultate, quoniam merces vestra copiosa est in cœlis; sic enim persecuti sunt prophetae,
qui fuerunt ante vos. 13. Vos estis sal terræ. Quod si sal evanuerit, in quo salietur? Ad
utilitatem valet ultra, nisi ut mittatur foras et conieclatur ab hominibus. 14. Vos estis lux
mundi. Non potest civitas abscondi supra montem posita. 15. Neque accendunt lucernam
et ponunt eam sub modio, sed super candelabrum, ut luceat omnibus qui in domo sunt. 16.
Sic luceat lux vestra coram hominibus, ut videant opera vestra bona et glorificent Patrem
vestrum, qui in cœlis est. 17. Nolite putare quoniam veni solvere legem, aut prophetae;
non veni solvere, sed adimplere. 18. Amen quippe dico vobis, donec transeat cœlum et terra,
iota unum, aut unus apex non præteribit a lege, donec omnia fiant. 19. Qui ergo solverit
unum de mandatis istis minimis et docuerit sic homines, minimus vocabitur in regno
cœlorum; qui autem fecerit et docuerit, hic magnus vocabitur in regno cœlorum. 20. Dico enim
vobis, quia nisi abundaverit justitia vestra plus quam Scribarum et Phariseorum, non intrabitis
in regnum cœlorum. 21. Audistis quia dictum est antiquis: Non occides; qui autem occiderit,
reus erit judicio. 22. Ego autem dico vobis, quia omnis qui irascitur fratri suo, reus erit
judicio. Qui autem dixerit fratri suo, *raca*, reus erit concilio. Qui autem dixerit, *fatue*,
reus erit gehennæ ignis. 23. Si ergo offers munus tuum ad altare, et ibi recordatus fueris
quia frater tuus habet aliquid adversum te, 24. relinque ibi munus tuum ante altare, et
vade prius reconciliari fratri tuo, et tunc veniens, offeres munus tuum. 25. Esto consentiens
adversario tuo cito dum es in via cum eo, ne forte tradat te adversarius judici, et iudex
tradat te ministro et in carcerem mittaris. 26. Amen dico tibi, non exies inde, donec reddas
novissimum quadrantem. 27. Audistis quia dictum est antiquis: Non mœchaberis. 28. Ego
autem dico vobis, quia omnis qui viderit mulierem ad concupiscendum eam, jam mœchatus
est eam in corde suo. 29. Quod si oculus tuus dexter scandalizat te, erue eum, et projice
abs te; expedit enim tibi ut pereat unum membrorum tuorum, quam totum corpus tuum
mittatur in gehennam. 30. Et si dextra manus tua scandalizat te, abscede eam, et projice
abs te; expedit enim tibi ut pereat unum membrorum tuorum, quam totum corpus tuum
eat in gehennam. 31. Dictum est autem: Qui cumque dimiserit uxorem suam, det ei
libellum repudii. 32. Ego autem dico vobis: Quia